



IM LAMPEFIEBER SPIELED MIR THEATER

T: R. Steiner, M. Plonka, G. Scagnoli, L. Voser, D. Liauw M: D. Liauw

Melodie vom dritten Teil des Liedes "Planet ICH" aus der Lampefieber-Produktion 2018

- Giulia:* I dem Lampefieber gitz jo scho paar Regle.
Aber d Händ ufha zum Rede, das gehört wüerkli ned dezue.
- Magda:* Wenn mir chli Seich im Chopf händ, tüemer mängisch schlägle.
Doch denn wird's meischstens wider spannend und denn gämmer sofort Rueh.
- Rahel:* Denn simmer zimli konzentriert a euser Arbet,
d Simona luegt eus nämli immer kritisch zue.
- alle:* Im Lampefieber spieled mir Theater.
Mir tanzed und bewege d eus ganz viel,
mir mached Pantomime, hie und da au Party,
nur bi de Pantomime simmer müslistill.
- Carla:* Einisch hani glatt de ganzi Text vergässe.
Denn flüschterets halt öpper vo de Site liislig i,
- Claudia:* Und wenn i uf de Bühni ganz verchehrt bi gsässe,
denn pack ich eifach so min Stuel und schtellen wider richtig hi.
- Lina:* Und vor mer hei göhnd gits e Süessigkeit zum Ässe,
so schnell gohts Lampefieber jedesmol verbi.
- alle:* Im Lampefieber spieled mir Theater.
Mir tanzed und bewege d eus ganz viel,
mir mached Pantomime, hie und da au Party,
nur bi de Pantomime simmer müslistill.